

اسلام مجبوری

مدیری: حلیم ثابت

صافی ۴

۲۸ ربیع الآخر ۱۳۳۲

۱۳ مارٹ ۱۳۳۰

پیل ۱

دین و فلسفه

دینک معنوی حیاتده موقعی

باش سوز

یکرمنجی عصرک ابتدالری بزه بشرک معنوی حیاتنده یکی بر جریان حصوله کلدیکنی وکچن عصرک قارا کلق مادیتجیلک فلسفه سندن بونالان غربدروحنک، دینه دوغرو نمایه باشلادیغنی کوستریور؛ فی الواقع شمعی به قدر دین موضوعی (قرون وسطا) سقولاتیک دورینک تعصب چنبرلرندن قورتوله رق (به یقن)، (ده قارت) ونهایت (وولتهر) کی دماغلرنده تمامیه مادی بر شکله کیرمش، حتی «انسان برماکنادر» و «انسان نه یهرسه اودر» دییه بیان (لامه تری) ایله آرقداشلی (هله و تیوس) و (قوندیباق) ک افکاری (بارون هولباخ) ک (طیعت سیستمی) واسطه سیاه المانیایه کیردکدن صوکر اورداده یکی برانکشافه مظهر اوله رق (شتر اوس) و (فویرباخ) ایله برابر (لودویغ بوخنر) و (ارنست هکل) کی فیلسوفلرک مشهور اثرلرینی وجوده کتیرمش، نهایت «مونیزم» (وحدتجیلک) مسلکینی «ترانسفورمیزم» (استحاله جیلک) شکله صوقه رق ویله لم اوستوالدک (نه نه رژه تیک) قدریته طبعی فلسفه سی ایله صوک نقطه سنه واصل اولمشدر. [*] فقط بوکائنات و انسانی علمی و بیطرفانه اولمقدن زیاده مادی و محدود بر نظرله کوردک روحک معنوی احتیاجلرینی حقیقه تقدیر و تطمین ایدم مدکاری حالده دینی بوتون اصول و فروغیه برلکده ییقبوب آتمغه چالیشان باردو مظلم فلسفه لره مقابل دینک ماهیتی کرک اسکی تعصب کرک یکی عصیتدن خالی بر نظرله تدقیق ایدم رک اونک حیاته قارشی حائر اولدیغنی ویا اوله سی لازم کلدیکی قیمتی تقدیر و تعیینه چالیشان دیگر بر فکر جریانی ظهور ایتدی؛ ایشته بوسایه ددرکه بوکون دین موضوعی مباحثه

[*] بوبابده صریح بر فکر پیدا ایدم بیلیمک ایچون فلسفه تاریخک صوکر زمانلره عائد صحیفه لرینی کوزدن کچیرمک و مادیتجیلک حنده ده «لانغه» نک «ماتریالیزم تاریخی» نامنده کی اثرینی مطائعه ایتک کرکدر.

اولون دینی زمان متفکر چیتار آراسته اسکیدن اولدینی کی اویله استخفافکارانه بر باش صاللامه سی دکل ، متفکرانه بردقت طوپلامه سی کورولمکده در .

دین مسئله سی او قدر شمولو در واصل اعتباریله او قدر چوق فروغاته آریلیر که بونلری تمامیه شرح و تفصیل ایدیه ییله ک ایچون کتابلر دولدور مق اقتضا ایدر ، بناءً علیه بزم بوراده یاپه ییله جکمز شی یالکز دینک معنوی حیاتده کی موقعنی مطالعه در . اوننده اول غریک بالخاصه آلمانیاک دینی فیلسوفلری نظرندن تدقیق ایدمک بعدد دیگر لریله بالمقایسه شرق حکمتی ایله مواجهه صورتنده یاپه جغز .

معنوی حیات دینکله آکلاتمق ایسته دیکمز شی روحک مثلاً عقل ، وجدان و ذوق کی مختلف ملکه لرینی اساس اتخاذا ایدمک ، حیاتی اوکا کوره علم ، اخلاق و صنعت و سائر نظرندن تنظیم و اداره ایتمکدر . ایسته دینی حیاتکده بوفنی ، اخلاقی ، بدیعی حیاتلر قارشی مستقل بر ماهیتی حاز اولوب اولمادیغی ، یعنی دینکده بو اوچ معنوی وجهدن بری داخلنده بولونه رقی اوکا تابع اولوب اولمادیغی یحیی اصل موضوعی تشکیل ایده جکدر .

زیرا وقتیله نصل که سیاست ، حقوق ، اداره ، علم ، اخلاق ، صنعت کی اجتماعی حیاتک بوتون صفحه لری یالکز دینک حاکمیتی آلتده بولونویور ایدی ایسه شیمدی ده مدنی حیاتک بوتون آتانه عصر مزک فنی فلسفه سی حکمفرما اولمق لازم کلدیکی حقتده یکی اعتقادلر دوغمه باشلادی ؛ لکن بویله صرف فنی و میخانیکی بر حیاتک نه قدر روحی و خشین اوله جقنی تخمین ایدمک بشرک باشلیجه حیات غایه سی اولان سعاده صرف بدیعی و یا اخلاقی طریقله وصول قابل اوله جقنی فکریله حیاتی یالکز بدایع و یا اخلاق نقطه سندن تنظیم و بوتون موجودیتیزی شعر و یا نورلو بر تماشایه مظهر ایتک غیرتی ده باش کوسترمکه باشلادی ؛ ایسته بو عینی مدنیت امرامک عینی حیات درود سندن انشعاب ایدن اوچ مختلف زاویهیه مقابل دردنجی بر دین زاویه سی تبارز ایتشد که اده معنوی کمالک آنجق بومربع شکلله تمام اوله ییله جکنی ادعا ایتک اوزره بولونویور .

شوخالده مسئله بوشکلده تظاهر ایدنجه بزم بوراده دین حقتده یوروته جکمز

بحثلر آنجق دینک عمومی ماهیته و دیگر ماهیتلره اولان مناسبتی تعیین ایدن موقعه عائد بولونه جق واصل دینک داخلنده بولونان معجزه ، عبادت ، حق و حقیقه وصول مسئلهلری صدوددن خارج قاله جقدور. مع مافیه بالکتر بوقدرلق مطالبه لر بیه کیفیتاً قطعاً حل ایتک دکل ، بویولده ناجیزانه برچیغیر آچه رقی مسئله نك فصله خدمت ایتک املنه معطوفدر .

راغب منورسی

اسلام انتباهی

مسلمانان عالمده انتباه اماره لری

— ۲ —

اولکی مقاله مک نهایتلرنده بوکونکی سقوطک اسبابی آراشدیرمق ته قدر لازمه ، اولکی اعتلایک شهرهانی بولمغه چالیشمقده او درجه الزمدر ، دیمشدم . حقیقتاً بن بوکا قائم . فقط بوقناعت خصوصنده بن ، جمال الدین افغانی حضرتلرینک شا کردی یم . چونکه بوحقیقتی ابتدا او آکلامشیدی . مرحوم اتاذ بو مسئله نك علمی برصورتده تدقیقی ایچون اسلام عالمی باشند باشه دولاشدی ، اسلام عالمک هر گوشه نه بوجاغنه صوقولدی ، کیردی ؛ اسلام عالمک هر طرفنده کاشانه لر برنده خرابه لر کوردی . افول ایتش سعادتلره مقابل فلاکتلره قارشولاشدی : سمرقند مدرسه لری قاپانمش ، بخارا درسخانه لرنده اورومچکلر آغ کرمش ، مراغه رصدخانه سی ییقلمش ، غزنه جامعی خراب اولش ، هند مسلمانلری اسارتیه دوشمش ، ایران باشند باشه کابوس جهالتیه قاپلانمش ، ملک شاه مدرسه لرینک تمللری غائب اولش ، ازهرک شعشعه سی افواه یوز طومش ، فاس ، انقراضه سوروکله یین بر آنارشیه محکوم اولش ، آفریقاده اسلامیت صلیک ربقة اسارتیه کیرمش دی .